

PHELETSO YA MINEWORKERS PROVIDENT FUND



DIKAHARE

- Ho bolela eng ho tsetela bakeng sa ho beha mejafatshe 1
- Infoleishene 1
- Ho menahanya phaello 2
- Jwale tjhelete ya hao e tsetelwa ho kae 3
- Diabo tsa dikhampane tse ngodisitsweng ho stock exchange 4
- dibonto 5
- Kontane 5
- Mineworkers Provident Fund e na le nalane e matla ya ho fana ka kgolo e fetang infoleishene 6
- Ikopanya jwang le rona 7

Ho bolela eng ho tsetela bakeng sa ho beha mejafatshe?

Kgwedi le kgwedi ditho di na le setlamo seo di tlamehang ho se fihlella. Ho etsa mohlala, ho ka nna ha hlokeha hore di lefe rente kapa tjehelete ya bonde, tjehelete ya sekolo, ho romela tjehelete lapeng, ho reka dijo, ho lefa lekgetho le ho nyehela dipolokong tsa ho beha mejafatshe. Bohlokwa ba bukana ena ke ho hlalosa se etsahalang ho tjehelete eo ditho di e nyehelang ho Mineworkers Provident Fund.



Infoleishene

Pele re hlalosa hore dinyehelo tsa ditho kgwedi le kgwedi ho provident fund di tsetelwa jwang, ho bohlokwa hore re qale re bue ka infoleishene. Infoleishene ke sekghala seo ditheko tsa thepa le tsa di tshebeletso di nyolohang ka sona ha nako e ntse e tsamaya. Infoleishene e fokotsa matla a ho reka ka tjehelete ha nako e ntse e tsamaya.

Ho etsa mohlala, setshwantsho se ka fatshe se bontsha ditheko tsa thepa ya ka lapeng ya letsatsi le letsatsi dilemong tsa bo 1980's.

Theko ya **2kg ya rice e ne e le feela R3.25** nakong eo, empa kajeno, rice e lekanang le yona eo e se **e ka ba R35.00**. Ho nyoloha ha ditheko tsa thepa ena ke mesebetsi ya infoleishene.



Jwale, seo re ithutang sona mona ke hore ha o boloka tjhelete bakeng sa ketsahalo e tlang ho ba dilemong tse ngata tse tlang, jwalo ka ho beha mejafatshe, ho bohlokwa ho tsetela ka tsela eo ebang tjhelete e tla hola ka sekgahla se potlakang ho feta sa infoleishene. Ka ho etsa jwalo, ditho ha di na kgona feela ho dula di na le tjhelete ya ho reka, empa di tla boela di hodisa tjhelete ka sekgahla se hodimo ho feta infoleishene, ka ho etsa jwalo, di eketsa boleng ba tjhelete ya tsona.



Sephetho sa ho menahanya phaello

Kgwedi e nngwe le e nngwe ha ditho di nyehela ho beheng mejafatshe, dinyehelo di ya tsetelwa mebarakeng ya ditjhelete molemong wa tsona. Ka mokgwa oo tjhelete e tsetelwang ka ona, tjhelete e tla hola ka lebaka la tswala e kenang, diphaello tsa diabo tse patalwang ho tswa dikhampaneng le kgolo ya tjhelete e tsetetsweng. Ha ditho di tsetela nako e telele, di eketsa tjhelete eo di tlang ho e fumana ha ho fihla nako ya ho beha mejafatshe. Sena ke ka lebaka la ho menahanya phaello e leng se hlalositsweng ka fatshe.

Tjhelete eo ditho di qetellang di beha mejafatshe di na le yona, e etswa ke dikarolo tse pedi – dinyehelo le kgolo e fumanwang ho tswa botseteding ba dinyehelo tseo

Dinyehelo
tsa setho tsa
Kgwedi le
Kgwedi



Kgolo e
fumanwa ka
dinyehelo tsa
setho



Boleng ba
nako ya
ho beha
mejafatshe

Jwalo ka ha o le setho, ha o nahana morao ka nyehelo ya pele ya ho beha mejafatshe o ileng wa e etsa, ha o ne o qala ho sebetsa, nyehelo eo, kgweding eo ya pele, e fumane kgolo ka hore e ile ya tsetelwa. Kgweding e latelang, kgolo e fumanwang dikgweding tse fetileng le yona e fumane kgolo ya yona. Ka mantswe a mang, kgweding ya bobedi, o fumane kgolo nyehelong ya hao e ntjha, mme wa fumana kgolo enngwe e tlatseditsweng ho tswa kgolong ya kgwedi ya pele. Ha nako e ntse e tsamaya, dinyehelo tsa hao kaofela le

kgolo o e fumanang hodima kgolo e seng e ntse e le teng, kaofela e kenngwa mokotleng wa dipoloko tsa hao tsa ho beha mejafatshe. Ho ntshetsapele botsetedi ka ho nna o nyehela le ho tswelapele ho tsetela-hape kgolo o e fumaneng dinyehelong tseo, seo se hlalosa ka hore ke ho menahanya phaello. Le ha ho le jwalo, ho bohlokwa o dule o hopola hore melemo eo ya ho menahanya phaello, e ka fihlellwa ha feela ditho di tsetela ka nako e telele.



Jwale tjhelete ya hao e tsetelwa ho kae?


Ntho ya pele, tjhelete ya hao e tsetelwa Afrika Borwa hammoho le lefatsheng ka bophara. Ho tloha moo, tjhelete ya hao e tsetelwa ho diabo tsa dikhampane tse ngodisitsweng ho di stock exchange, enngwe e tsetelwa e le kontane dibankeng, enngwe ho dibonto tsa mmuso mme enngwe e tsetelwe dithotong. Lebaka la hore re se ke ra tsetela tjhelete ya hao kaofela ho diabo ke hobane ha re batle, ho tshepela mohloding o le mong wa kgodiso ya tjhelete. Ka ho jala tjhelete ya hao, ke monyetla ho wa eketsa kgolo hammoho le bokgoni ba ho laola kotsi. Ha re leke ho utlwisisa dibaka tse na tse fapaneng tsa ho tsetela betere.





Diabo tsa dikhampane tse ngodisitsweng ho stock exchange

E meng ya mehlala ya diabo tse ngodisitsweng ho stock exchange ke tsa MTN, Telkom, Old Mutual, Capitec, Sibanye Stillwater, Harmony Gold, Anglo American le Clicks. Ho na le di stock exchange tse ngata lefatsheng ho pota. Ya Afrika Borwa e bitswa Johannesburg Stock Exchange (JSE). Tshebetso ya dikhampane kaofela tse ngodisitsweng ho JSE e ya kopanngwa le ho methwa ka All-Share Index (ALSI). Ka ha o le setho, dinyehelo tsa hao di tsetelwa ho diabo tse jwalo, mme o karolo ya beng ba tse ding tsa dikhampane tseena. Ha re shebe hore ALSI e hotse jwang ho tsamayeng ha nako.



Kerafo e hlalishitsweng kahodimo e bontsha ha setho se ne se nyehela R100 ka 1991, mme R100 eo e ile ya tsetelwa ho JSE, kajeno boleng ba R100 e se e ke ba R2.500. Sekgahla sena sa kgolo se kahodimo ho infoleishene, se boelang hore dipoloko di tla ntshetsapele ho ba le tijelete ya ho reka ha nako e ntshe e tsamaya. Ke ka lebaka lena karolwana ya dithoto tsa ditho e tsetelwang diabong - hore ditho di tle di kgone ho kgola molemo ho kgolo le tshireletso kgahlano le infoleishene. Ho bohlokwa ho ka hlokomela hore diabo ha di dule di nyoloha, ho ba teng nako moo di thehang ka yona, jwalo ka ha ho bontshwang kerafong. Ka tlwaelo di theoha ha ho se botsitso moruong wa lefatshhe jwalo ka sewa sa Covid-19 le mathata a di tijelete lefatsheng a 2007.



Dibonto

Ka dibonto, tjhelete ya ditho e kadingwa dikhampane le makala a mmuso ho thusa kgodisong ya yona. Poeletso ya teng, dikhampane le makala a mmuso di lefa tswala ho ditho ka ho kadimana ka tjhelete ya tsona. Ona ke o mong wa mekgwa moo dinyehelo tsa ditho di fumanang kgolo. Ho tshwana le diabo, dibonto le tsona ha di sebetse hantle ha ho na le ditaba tse sa kgahliseng, empa hangata di rata di se kotsing e kgolo jwalo ka ditheko tsa diabo. Hobane di se kotsing e kaalo, kgonahalo ya kgolo e ka fumanwang ka dibonto ka mora nako e telele, e ka fatshe ho ya diabo.



Tjhelete e Kontane


Ho tsela thelete e kontane ho tswana le ho kenya tjhelete akhaonteng ya banka hore e fumane tswala. Mefuta e meng e meraro ya ho tsetela, ha ena kotsi e kaalo ka ho tsetela nako e telele. Kgonahalo ya kgolo e ka fumanwang botseteding ba kontane ha e hodimo jwalo ka ya diabo kapa dibonto ka mora nako e telele.





Mineworkers Provident Fund e na le nalane e matla ya ho fana ka kgolo ho diitho e fetang infoleishene

Kerafo e ka fatshe e bontsha bohlokwa ba ho tsetela bakeng sa ho beha mejafatshe hammoho le katleho ya Mineworkers Provident Fund ya ho fana ka kgolo e fetang infoleishene. Ho etsa mohlala, haeba o nyehetse ka R100 letloleng la ho beha mejafatshe ho Mineworkers Provident Fund dilemong tse 10 tse fetileng, kajeno R100 e hotse ho ba R244. Haeba o sa nyehela letloleng la ho beha mejafatshe, R100 ya hao e tla dula e le R100.



Ho bohlokwa ho ba le mamello ha o bolokela ho beha mejafatshe. Ho tsetela ho ya dikoloha moo ebang ditheko di ya theoha le ho nyoloha ka nako e kgutshwane. Empa haeba diitho di dula di tsetetse nako e telele le ho mamella ho theoha le ho nyoloha ha ditheko botseteding ba tsona, di fihla nakong ya ho beha mejafatshe di le maemong a matle.



O ikopanya jwang le rona

Aterese ya Ntlo Kgolo

- Mineworkers Provident Fund
26 Ameshoff Street
Braamfontein
Johannesburg
2001

Setsi sa ditlaleante se letsetswang

- (010) 100 3001
- (086) 661 9532
- clientservices@mineworkers.co.za
- www.mwpcf.co.za
- mineworkerspf
- mineworkerspf

DITSHA TSA RONA TSEO O YANG HO TSONA

Ditsha tseo o yang ho tsona	Aterese ya bodulo	Nomoro ya mohala	Aterese ya Emeile
Carletonville	Office No. 2, Uys Buys Business Park Cnr, Kaolin & Radium Street, Carletonville 2499	(010) 100-3001	clientservices@mineworkers.co.za
Witbank	19 Geringer Street Del Judor, Emalahleni 1044	(010) 100-3001	clientservices@mineworkers.co.za
Johannesburg	Cnr Melle & 26 Ameshoff Street Braamfontein Johannesburg, 2000	(010) 100 3001	clientservices@mineworkers.co.za
Mthatha	No 49 Leeds & Craiser Street, Metropolitan Place, 1 st Floor Mthatha	(047) 531 2003	clientservices@mineworkers.co.za
Mozambique	Bairro de Chinunguine C, Praia de Xai-Xai Cidade de Xai Xai Provincia de Gaza Mocambique	(+258) 282 22 675	clientservices@mineworkers.co.za

